

զի հրաման արար զի մի՛ երևեսցի զինի նոր յամենայն իշխանութիւնս իւր՝ սաստիկ հրամանաւ. եւ մարդ եդ յամենայն տեղիս՝ ի գիւղս եւ յաւանս եւ ի շէնս եւ յարտորայս եւ յայգիս¹⁾, եւ ուր գտանէին՝ ծեծէին, գանէին, տուգանս առնէին ի սահմանաց քաղաքիս մեծի առ կողմնօքն Նիկովիդացոց՝ և ծովեզերօքն Եայօփոյ և Բիւթանացոց և առ կղզօքն ովկիանու, մինչ զի սաստկանայր անէծք և արտասուս ի վերայ պղծոյն, զի Կ օխա խաղողին ըստակ մի եղև, և վաթէին ի ծով և ընուին յերկիր: Յետ ոչ բազում աւուրց սաստկանայր և ցաւ ի վերայ հօր նորին անդէն յէտրէնէ և տանիւր առ իւր զորդին ստէպ և առնէր յարքունիսն զայմախամ փոխանորդ իւր, որ եղև ի Սեպտեմբերի Ե: Սա զպոռնիկս բազումս աքսորեալ հալածեաց ի Կիպրոս և զբազումս ծովահեղձ արար:

Եւ աստ նորանիստ զայմախամն առեալ դրամ ինչ, նոյնպէս եւ քհնապէկն Սուլէյման եւ մոռացան զնովաւ, ապա և տառապեալքն հոգեորեցան սակաւ ինչ յարդիւնս վաստակոց իւրեանց:

Լինէր մահ տարաժամ յոյժ ցասմամբ տղայոց եւ մանկանց ամենայն ըամից ազանց: Վասն որոյ Հայք և ամենայն եկեղեցիք պահօք պնդեցան ծոմով, զենմունս առնելով մատաղաց, պաշտամանց և պատարագաց՝ Վարդավառէս մինչ ի տօն Փոխման Աստուածածնին. եւ զի ոչ լինէր անձրեւ ի Պենտէկոստէ աւուրցն եւ յոյժ երաշտութիւն, եւ ի ԺԵ Օգոստոսի լինէր ֆոթունա մեծ հանդերձ շարժիւ, և Աստուածածնի տօնին ապա եկն անձրեւ: Լուր լինէր՝ լինել մահն սաստիկ յամենայն աշխարհ և ի բանակն Տաճկաց:

1) ցայգիս.

414000 + 849000